





1767

Q. D. B. V.

DISSERTATIO INAUGURALIS JURIDICA
DE

1758, 2.
RAPTU VIRGINUM,

QUAM

DEO SOLO PRÆSIDE

EX HONORIFICO

ILLUSTRIS FACULTATIS JURIDICÆ

DECRETO

IN ALMA ARGENTORATENSIVM 22

UNIVERSITATE

PRO LICENTIA

SUMMOS IN UTROQUE JURE HONORES
ET PRIVILEGIA DOCTORALIA
RITE CONSEQUENDI

DIE XIX. DECEMBRIS A. R. S. MDCCLVIII.

SOLENNI ERUDITORUM DISQUISITIONI SUBJICIT

F. XAVERIUS REBANIER,

SELESTADIENSIS.

AA. LL. ET PHIL. MAGISTER.

H. L. Q. C.

—•••••—
ARGENTORATI,
Typis SIMONIS KÜRSNERI, Cancellariæ Typographi.

5

DEO,
PATRIÆ,
PARENTIBUS,
PATRONIS
ATQUE
AMICIS.

*Quid inter-
Est, in matrona, ancilla peccesse togata?*

HORATIUS.

2



DISSERTATIO INAUGURALIS
JURIDICA
DE
RAPTU VIRGINUM.

§. I.

Virginitas, quod semper & præprimis æstimata fuerit, non solum Christiani, sed & Ethnici exemplis suis probant non obscuris; atque tot Virginitatis laudatæ luculenta nobis exhibentur documenta, ut præter sacras vel Veteris, vel Novi Testamenti literas eam pro merito prædicantes encomia

A 2

ejus-

ejusdem æque ac pretium alibi (a) etiam extolli affatim videamus.

(a) Scilicet Ethnicos eam prædicasse, CICERO de Leg. 2, 12. his verbis exponit: *VESTÆ colendæ VIRGINES præsent, ut advigiletur facilius ad custodiam ignis, & sentiant mulieres in natura feminarum omnem castitatem pati.* Item Græci jubebant olivam, cum plantaretur, & legeretur a mundis pueris & virginibus operandam; recordati, & æstimantes olivam ex eo, quod huic arbori præful esset castitas, quam sæpius virginitatem vocamus. Inde HORATIUS 3. Oda 24, 22. : *Metuens alterius viri certo federe castitas.* Et PLINIUS verecundiæ extollendæ studens dicit: *VIRGINALIS verecundia.* §. 16, 2. Imo laudatus CICERO *Tusc.* 1, 30. virgines & castos diis æquiparat, & ait illos, qui se humanis vitiis contaminassent &c. *is devium quoddam iter esse, seclusum a consilio deorum. Qui autem se integros castosque servassent, quibusque fuisset minima cum corporibus contagio, seseque ab his semper servassent, essent. que in corporibus humanis vitam imitati deorum, his ad illos, a quibus essent profecti, reditum facile patere.*

Christiani post sacram Scripturam non satis deprædicari posse virginitatem existimant. Inter alios AMBROSIIUS utitur his verbis: *Nuptia terram replent, VIRGINITAS Paradisum.* Q. 1. XXXII. c. 12. Quamvis IDEM illam aliis suadeat, non præcipiat; dum ait: *sola est enim virginitas, quæ*

que suaderi potest, imperari non potest: res magis voti, quam
præcepti. Q. 1. XXXII. c. 13. &c. &c.

§. II.

Ex his Virginitatis, virginum (quibus Matro-
nas, honestasque viduas, multo magis sanctimoniales
annumeramus) (a) supra allatis brevissime êncō-
miis colligitur fati, quod earundem violatio eo
majus sit crimen, quo meliori a Christianis æque
ac Ethnicis commendantur modo: atque, quod, si
& præcipuum Juris naturalis præceptum SOCIALI-
TER VIVERE* probe inspiciamus, & genus tur-
bationis consideremus, severissimis multanda sit
pœnis. Hæc violatio autem vel fit stupro, vel adul-
terio, vel subinde incestu conjuncto, vel raptu.
De his omnibus ex professò agere delictis animus
non est, sed solummodo, quatenus inscriptio dif-
fertationis exhibet, *de Raptu Virginum* quædam brevi-
ter tractabo, cætera crimina tamen, quatenus vel af-
finia sunt, vel plane nostro delicto conjuncta, non
omittendo.

(a) Quemadmodum JUSTINIANUS Imperator in *Lege unica cod. de Raptu Virginum* &c. eas quoque Virginibus accenset.

* Utique ejusmodi violatores jam ex hoc generaliori Juris naturæ præcepto puniendi sunt: dum enim Jus naturæ dicit: *Societas humana est conservanda*, omnes faniores gentes exinde deducunt, ergo is, qui turbat hanc societatem, est puniendus: ex qua gentium conclusione postea jus uniuscujusque populi Civile addit, qua demum poena talis turbator sit excipiendus. Atque dum ejusmodi violationes maximi momenti sunt turbationes, etiam poenas merentur severissimas, a Jure Civili dictandas: velut infra latius nonnihil deducemus.

§. III

Raptus *in genere* est vel violenta publicæque rerum ablatio, (a) vel virginum, mulierum, aut monialium abductio, libidinis ergo facta. (b) In primo sensu raptus vocatur potius rapina; (c) cum verbo RAPTUS *proprie* violentam mulierum receptionem intelligamus. (d) Et in hoc sensu ejusmodi raptus crimen committentes stupratores, (e) plerumque & proprie tamen raptores, (f)
ac

ac in significatione iterum latiore adulteri appellantur. (g)

- (a) L. 1. §. 1. *vers. publice interest nihil RAPI.* §. 2. *vers. RAPTUM* quid sit &c. in f. verb. RAPI. ff. *de incend. ruin. & hunc terminum in toto fere citato titulo invenire licet.* Inde raptor rerum dicitur ille, qui bona aliena vi rapit & aperte. L. *sed eximendi.* 4. *pr. ff. Ne quis eum, qui in jus, ibi: Eripere enim est de manibus auferre per RAPTUM.*
- (b) d. L. un. *Cod. de Rapt. Virginum, viduarum &c.* §. L. 54. *Cod. de Episc. & Cler.*
- (c) §. *ult. vers. qui RAPINAM passus est.* *Inst. de vi bon. rapt.*
- (d) d. L. un. *Cod. d. t.* §. d. L. 54. *Cod. d. t.*
- (e) §. *Item Lex Julia de adulteriis.* 4. *Inst. de publ. jud.*
- (f) §. *Item Lex Julia de vi publica.* 8. *vers. tunc RAPTORES.* *Inst. d. t. d. L. un. Cod. d. t.*
- (g) d. §. 4. *Inst. d. t.* & sic quoque intellexit MARTIALIS *Epigram. Lib. 3. versu sequenti:*
Quis tibi persuasit nares abscindere Mæcho?
Nil hac &c.

§. IV.

Est ergo *Raptus* in specie & quatenus tantum homines respicit, violenta virginum, mulierum,
 aut

aut monialium de loco in locum abductio libidinis ergo facta: (§. 3.) distinguitur autem raptus a stupro, quod hoc etiam sine vi (a) committatur, nec abductio intercedat. Quam ob rem stuprum dispescitur in *voluntarium*, quod cum volente, & parum reluctante committitur; (b) & in *violentum*, quo vi adhibita comprimitur scemina soluta. (c) Contra vero raptus semper violentus esse censetur, etiamsi rapta, persuasione seducta, consenserit. (d) Deinde stuprum committitur tantum cum soluta, sive illa virgo sit, sive vidua honeste vivens: (e) e contra raptus non tantum cum soluta, verum etiam cum matrimonio juncta, sanctimoniali, imo sponsa sua, committi dicitur. (f).

(a) §. 4. *vers. sed eadem Lege Julia. Inst. de publ. jud.*

(b) *d. §. 4. Inst. d. t.*

(c) *Const. Crim. art. 119.*

(d) *d. L. un. vers. sive volentibus, sive nolentibus Cod. d. t.*

(e) *d. §. 4. Inst. d. t.* Honestè autem vivens ex ratione Juris Civilis omnis ea dicitur, quæ corpus suum non vulgat, id est, quæ corpore suo quæstum non facit.

(f) *d. L. un. pr. Cod. d. t. L. 5. L. 54. Cod. de Episc. & Cler.*

§. V.

§. V.

Stupri porro *violenti consummati* pœna mors est, *attentati* pœna arbitraria; (a) voluntarii Jure civili in honestioribus publicatio dimidiæ partis bonorum: in vilioribus fustigatio cum relegatione: (b) raptus vero pœna, si virgo aut vidua honesta rapta fuerit, five nolens five volens (c)*, semper mors est, & amissio bonorum ipsis mulieribus applicandorum.**

(a) *d. Const. Crim. art. 119.*

(b) *d. §. 4. Inst. d. t.*

(c) *d. L. un. Cod. d. t.*

* Imperator JUSTINIANUS perelegantem ibi addit rationem:

Si enim ipsi raptores metu vel atrocitate pœne ab hujusmodi crimine se temperaverint, nulli mulieri five nolenti five volenti peccandi locus relinquatur; quia hoc ipsum velle mulierum, ab insidiis nequissimi hominis, qui meditatur rapinam, inducitur.

** Aliæ pœnæ huic crimini raptus dictatæ mox infra afferuntur, cum jam satis per hanc pœnam a stupro distinguatur.

§. VI.

Si autem matrimonio juncta fuerit rapta, duplici

B

plici

plici raptor tenetur crimine, tam adulterii (a) quam raptus; & consequenter acerbius est puniendus. Duplex enim crimen majorem poenam meretur, quam simplex; (b) uti & si sanctimoniam quis vi rapuerit: cum hic non solum ad injuriam hominum, sed etiam ad ipsius omnipotentis Dei irreverentiam delictum commiserit (c).

(a) Poena adulterii vid. in *Leg. 30. Cod. ad L. Jul. de adult. § L. 18. Cod. de transact.*

(b) *d. L. un. vers. Que multo magis. Cod. d. r.*

(c) *d. L. un. pr. Cod. d. r. L. 5. L. 54. Cod. de Episc. & Cler.*

§. VII.

Nec sufficit capitis supplicium, & amissio honorum pro pessimo tali crimine coërcendo, sed & raptæ virgini vel viduæ &c. prohibetur, ne raptorem sibi maritum exposcat. Et quamvis parentes, qui voluerint legitimo eam copulare possint matrimonio, tamen licentia eis non conceditur raptorem eligere, qui hostili more matrimonium studuit sibi conjugere. (a)

(a) *d. L. un. vers. nec sit facultas. Cod. d. r.*

§. VIII.

§. VIII.

Pœnæ hæ in §. 5. 6. & 7. allegatæ non solum feriunt raptores, sed etiam conscios, ministros, receptatores aut quancumque opem ferentes, cujuscunque sexus, dignitatisve fuerint, convictos tangunt; parentes vero consentientes deportantur. (a) Nec forum hujus criminis post legitimas & juri cognititas probationes præscribitur. (b) Quæ omnes pœnæ etiam obtinent, etsi rapta vel libertina vel serva fuerit, imo legis severitas eo tendit, ut, si inventi fuerint in ipso raptu, & in flagrante crimine comprehensi & a parentibus virginum & ingenuarum, vel viduarum, vel scœminarum jam antenomnatarum, aut earum consanguineis, aut a tutoribus vel curatoribus, patronis vel dominis convicti interficiantur.

(a) *d. L. un. vers. penas autem. Cod. d. t.*

(b) *L. 54. vers. sin autem. Cod. de Episc. & Cler. L. 1. Cod. ubi de crim. & hac L. un. vers. post legitimas. Cod. h. t. Nec poterunt tales personæ appellare. h. L. un. vers. Raptor autem. Cod. Theod. de Rapt. Virg. quæ est Constitutio CONSTANTINI Imperatoris.*

§. IX.

Etiam, si sponsus sponfam per vim rapere ausus fuerit, his pœnis videtur esse subjectus; neque poterit eam, utut consentiente ejus patre ac crimen remittente, uxorem ducere. (a) Servi vero raptoris, raptui assistentis, pœna est combustio.

(a) *d. L. iii. §. 3. C. d. i.*

§. X.

Ex §. quoque sexto colligimus, quod pœna raptus locum habeat, licet scœmina raptui consentisset. Sed quid si citra ullas raptoris persuasiones raptori sponte, neque coacta consentiat? DIONYSIUS GOTHOFREDUS (a) ex Hypolito Marfilio (b) existimat nuptias hoc in casu non impediri. Quibus ego subscribo ex eo, quod odia sint restringenda & favores tantum ampliandi, (c) præfertim si eadem legis ratio non amplius militet; quæ est, ut vel persuasionibus inducat mulierem raptor, vel vi eam abducat. Idque eo magis obtinere videtur, eo quod volenti non fiat injuria. (d)

§. XI.

- (a) *ad d. L. un. cod. d. t. lit. (e)*
 (b) *Cons. 61. n. 23.*
 (c) *c. 15. de R. J. in 6to.*
 (d) *c. 27. de R. J. in 6to.*

§. XI.

Pœna hujus criminis de jure Canonico in Clericis est depositio & dejectio a gradu, in Laicis excommunicatio: (a) quas pœnas raptor de Jure Canonico veteri non evitat, quamvis cum rapta contrahat matrimonium. Recentiori autem Jure Canonico, (b) si mulier rapta in libero loco constituta postmodum in matrimonium consentiat, nuptiæ valent, & pœnam quoque mitigari HAHN *ad Wesenbecium* enarrat (c).

- (a) *Can. 1. 2. 4. XXXVI. Q. 2.*
 (b) *can. 4. in f. XXXVI. Q. 2.*
 (c) *ad L. Jul. de adult. n. 21. addat. Cap. ult. X. h. t.*



COROL-

XI.

COROLLARIA.

EX

JURE CIVILL.

I.

Fridericus I. Imperator sua constitutione
Legi I. Cod. si adversus venditionem sub-
nexa legi non derogavit, sed eam confir-
mavit.

II.

Condictio ex Lege 2. Cod. de rescin-
denda venditione non est actio prætoria.

III.

Actio hypothecaria est actio mixta.

IV.

Actio exercitoria proprie non est actio.

EX

EX

JURE CANONICO.

I.

Si quis dicat: *Johannes te desponsat*, cum
Johannis nomen non habeat, idque faciat,
ut mulierem deciperet, non potest cogi ad
matrimonium cum illa coeundum.

II.

Error circa personam dirimit matrimo-
nium.

III.

Laici non possunt præscribere Decimas.

IV.

Clerici beneficiati sunt vere domini re-
dituum beneficalium.

EX

JURE PUBLICO.

I.

Civitates Imperii liberæ Illustres Res-
publicæ sunt.

II.

II.

Appellatio a S. Cæsarea Majestate proprie vocatur *appellatio*, & non, ut alii volunt, *supplicatio*.

III.

Protektor eo modo, quo Clientibus se defendere permissum est, bona fide & in totum proteget.

IV.

Salvus conductus etiam hostibus conceditur.

V.

Tributa in Imperio spectant ad solum Imperatorem, quamvis hic sine Electorum consensu vectigalia nova nec imponere, nec vetera augere vel diminuere hodie soleat.

VI.

Angariæ & parangariæ inter regalia numerantur.



ULB Halle
005 039 479

3







B.I.G.

Farbkarte #13

Black
3/Color
White
Magenta
Red
Yellow
Green
Cyan
Blue

B. V.

UGURALIS JURIDICA

DE

1758, 2.

IRGINUM,

JAM

O PRÆSIDE

NORIFICO

LTATIS JURIDICÆ

RETO

NTORATENSIVM

22

RSITATE

CENTIA

QUE JURE HONORES

A DOCTORALIA

NSEQUENDI

RIS A. R. S. MDCCLVIII.

DISQUISITIONI SUBJICIT

S REBANIER,

DIENSIS.

III. MAGISTER.

Q. C.

TORATI,

I, Cancellariæ Typographi.

5